

ՀԱՎԿԻԹ-ՊԱՀՊԱՆԱԿՆԵՐԸ ՀԱՅ ԺՈՂՈՎՐԴԱԿԱՆ  
ՀԱՎԱՏԱԼԻՔՆԵՐՈՒՄ  
ԱՍՏՂԻԿ ԻՍՐԱՅԵԼՅԱՆ

Հայերի ժողովրդական հավատալիքներում թռչնի ձուն, օժտված լինելով բազմաթիվ մոգական հատկություններով, կատարում է նաև հմայական պահպանակի դեր և դասվում է բնական կենդանական պահպանակների շարքը:

XVIII—XIX դդ. Հայաստանում և հայարևակ զանազան վայրերում որպես հմայական պահպանակ էին օգտագործում հավի, լորի, ծիծեռնակի, ջայլամի, կաշաղակի, իսկ մեր օրերում՝ հիմնականում հավի ձուն: Ձու-հմայականներն օգտագործվում էին ինչպես հում, այնպես էլ եփված վիճակում (խաշած, ձվածեղ): Պահպանակ էր համարվում ոչ միայն ամբողջական ձուն, այլև նրա մասը՝ կեղևը: Պատրաստվում էին նաև արհեստական ձվեր:

Հավկիթն ունի բազմաֆունկցիոնալ պահպանակներին բնորոշ բոլոր հատկությունները՝ մարդկանց, նրանց արժեքավոր իրերը, կենդանիներին, բնականորեն, բույսերը պաշտպանում է շար աչքից, շար ոգիներից, կանխարգելում և բուժում է հիվանդությունները, երջանկություն, բարիք է բերում, կիրառվում է ծեսերում, տոներում, կախարդանքում, գուշակություններում, կրում է այս և հանդերձյալ աշխարհի կապի գաղափարը, անցել է քրիստոնեական եկեղեցի:

Հավկիթի ամենակարևոր գործառնություններից մեկը ծննդկանին և նորածին երեխային պաշտպանելն էր շար աչքից ու շար ուժերից՝ քաջքերից, ալքերից և այլն, որոնք առավել վտանգավոր էին նախա և ետծննդաբերական շրջանում: Սրանով էր պայմանավորվում այն սովորույթը, որի համաձայն երեխան ծնվելուց հետո առաջին կերակուրը, որ տրվում էր մորը, ձվածեղն էր: Իսկ երեխային լողացնելիս ջրի մեջ հավկիթ էին դնում<sup>1</sup>: Երեխաների համառ ձուն օգտագործվում էր նաև նրանց խոսելու և քայլելու սովորելու ժամանակ: Մանիսայում (Արարկիթ) խոսելու փորձեր կատարող երեխաներին ծիծեռնակի ձվի կեղևով ջուր էին խմեցնում, որպեսզի «լեզվանի» դառնային<sup>2</sup>: Ձանգեղություն ուղ թայրող երեխաներին տանում էին Միծեռնավանքի ագռավի գերեզմանի քարի մոտ, մոմ էին վառում, մեխ ու ձու էին դնում քարի տակ և երեխայի ոտները լվանում, որպեսզի շուտ քայլեր<sup>3</sup>:

Տունը սառտաանելու համար հավկիթն օգտագործվում էր դրսից, ներսիս և դրանց սահմանի մրա՝ շեմքում: Ակնում, օրինակ, նոր բնակարան կառուցելիս, առաստառի մեծ գերանի փողոցի կողմը նայող ծալոին մի հավկիթ էին դնում<sup>4</sup>: Թափնի շրջանում մինչև հիմա խաշած հավկիթ են դնում տան շեմքի տակ, որտեղի «առ առն էլ նրա նման հաշմի» և տան ունեցվածքին վնաս չտան, եսկ ոռան գլխին, դրսի կողմից, Ձատկին կարմիր ներկած հավկիթ<sup>5</sup> և երբեք են սամրածնում խմորով կամ գոմաղբով, որպեսզի այն գոռավի նախո՝ ուղադրություն և շար հայաքը շեղի տնից<sup>6</sup>: Նույն նպատակով կոռիում, Ձան-

1 Ստ. Լիսիցյան: Ձանգեղուրի հայերը, Երևան, 1969, էջ 309:

2 Ե. Սաղաթիբյ. Կախարդություն և թովություն Մանիսայի մեջ. «Բյուրակն», 1899, Կ. Պոլիս, էջ 440:

3 Ստ. Լիսիցյան. նշվ. աշխ., էջ 274:

4 Զ. Կ. Շանիկյան. Նոթություն Ակնա. Թիֆլիս, 1895, էջ 184:

5 Հայաստանի Պատմության ոչտական Թանգարանի ազգագրության բաժնի արխիվ (աւսուհետև՝ ՊՖԱՔԱ), Ա. Ի ս ր ա յ ե լ յ ա ն. Թափն, 1977, էջ 33, 39, 49:

գեզուրում, Արցախում, Վասպուրականում հավկիթը դնում էին ջրով լի թասի մեջ և գետեղում տան ներսում ամենաաչքի ընկնող տեղում: Բացի այդ, դուռնի դիմացի պատից կախում էին գուլնագուլն թելերով կամ ապակե մանր ուլունքներով նախշած հավկիթ: Եթե հավկիթը ժամանակի ընթացքում ճաքում էր նշանակում էր, որ նրան շար աչք էր դիպել: Այս սովորույթը մինչև այժմ պահպանվել է Լեռնային Ղարաբաղի գյուղերում<sup>6</sup>:

Քույսերը պաշտպանելու համար թե՛ գյուղերում և թե՛ քաղաքներում տարածված էր ձվի կեղևի գործածությունը հատկապես Մուշից, Ալաշկերտից, Սասունից, Բայազետից ներկայիս Հայաստանում վերաբնակվածների ու համաշնահայերի շրջանում: Կեղևները կախում են խաղողի թփերին, մանդարինի և այլ պտղատու ծառերին, լոբու ձողիկներին, փայտի վրա անցկացրած խրում ալգում, դաշտերում, բանջարանոցներում՝ ամբողջ տարածությունը շարից վնասագրծելու նպատակով: Համաշնահայերը գերադասում են հատկապես վայրի խնձորենու ճյուղերը, որոնք անկախ հավկիթից, գորեղ պահպանակի դեր են կատարում<sup>7</sup>:

Կենդանիներին շար աչքից և շար ոգիներից պաշտպանելու համար հավկիթը տարբեր ձևերով էին գործածում. Թալինի շրջանում ինչպես տան, այնպես էլ գոմի դուռնի գլխին ամրացնում էին Զատկին կարմիր ներկած ձվերի կեղևները, Ախալքալաքում և Ախալցխայում աղոթած ձուռն կախում էին կովի ճակատին<sup>8</sup>: Ամենուրեք գարնանը, կենդանիներին առաջին անգամ դաշտ դուրս հանելու արարողության ժամանակ, նրանց ճակատին հավկիթ էին ջարդում: Նույն գործողությունն էին կատարում նաև հակառակ պարագայում՝ երբ նոր դնված կենդանին առաջին անգամ գոմ պետք է մտներ, որպեսզի շար ոգիները, որոնք հավկիթը ջարդելիս փախչում էին, նրա հետ միասին ներս չմտնեին<sup>9</sup>:

Կենդանի և թռչուն ծնվելիս կրկին հավկիթն ու նրա կեղևը կարևոր նշանակություն ունեին: Սյունիքում, օրինակ, երբ որձ հորթ է ծնվում, ճակատին կաշաղակի ձու են ջարդում, որպեսզի «ուժեղ, առողջ ու լավ հարու սովող լինի»<sup>10</sup>:

Սևանի: ավազանում հավի ճտերը ձվից դուրս գալուց հետո կեղևներն անցկացնում են ցախավելի ճյուղերին ու դնում են գոմի դուռնի վերնամասում, որպեսզի ճտերին շար աչք չդիպչի: Ի դեպ, ցախավելը ևս օժտված էր շարխափան հատկությամբ<sup>11</sup>:

Ձանգեգուրում ճտերը դուրս գալուց հետո այդ ձվերի կեղևները 40 օր սլաճում էին, հետո թաղում, որպեսզի ճտերը առողջ մեծանալին<sup>12</sup>:

Շերամի որդերին շար աչքից պաշտպանելու համար ձուռն ջրով լի թասով կամ առանց թասի դնում էին որդերի մոտ կամ էլ կախում էին շերամսուտ: կենտրոնակալն սյունից<sup>13</sup>:

Գործվածքներից հատկապես գորգերը, կարպետները, կտոռները, շալերը, գոտիներն էին պաշտպանում շար աչքից ու շար ոգիներից հավկիթի օգնությամբ: Դրանք գործելու ողջ ընթացքում ձուռն պետք է գտնվեր պաշտպանվող առարկայի կողքին՝ հաստոցի, տորքի վրա և այլն: Նույնը վերաբերում է և հացին. օրինակ Արցախում հաց թխելիս ձուռն դնում են թոնրի մոտ նախ ուր

6 ՊԹԱԲԱ, Հոկտեմբերյան, էջմիածին, Աշտարակ, 1973, էջ 10: Ղարաբաղ, 1974, էջ 1:

7 ՊԹԱԲԱ, Թալին, էջ 49: Պտղնի, 1976, էջ 3-4: Սուխումի, 1976, տետր 1, էջ 20, տետր 2, էջ 8:

8 ՊԹԱԲԱ, Թալին էջ 49: Ախալքալաք, Ախալցխա, 1978, էջ 7:

9 Վ. Պետրոսյան. Սասնա ազգագրություն. Երևան, 1965, էջ 114:

10 ՊԹԱԲԱ, Ղափան, 1985, էջ 33:

11 ՊԹԱԲԱ, Կամո, Մարտունի, 1982, էջ 35:

12 ՊԹԱԲԱ, Անգեղակոթ, 1983, էջ 1:

13 Ա. Պետրոսյան. Շերամապահությունը Հայաստանում (դիսերտացիա). Իրիվան, 1977, էջ 150:

պեսսի թոնրին աչք շղիպշի և այն շճաթի ու շքանդվի և երկրորդը՝ որ հացը շվնասվի ու առատ լինի<sup>14</sup>։

Այժմ, հատկապես գյուղերում, հավկիթ են ջարդում նաև նոր գնած ավտոմեքենայի վրա, ձուն դնում են թանկարժեք առարկայի վրա, նախկինում յառնկարժեք իրի մոտ ջրով լի թասի մեջ էին ձուն դնում<sup>15</sup>։

Արտակարգ զորություն էր վերագրվում օրհնված ձվին։ Այն նույնիսկ կարող էր պաշտպանել հրդեհից ու դժբախտությունից<sup>16</sup>։

Հիվանդություններ բուժելու նպատակով ձուն հիմնականում երկու ձևով էր օգտագործվում. առաջինը՝ անմիջապես մարմնին կպչելով և երկրորդը՝ տարածության վրա։ Մասնաշունչը, խոցապալարը և այլ թարախոտ վերքեր բուժելու համար ձվի դեղնուցը, մեղրը և ալյուրը խառնում են և այդ խմորը դնում են վնասված մասում<sup>17</sup>։ Երբ աչքն ուռչում է, ձուն խաշում են և տաք վիճակում դնում են աչքին<sup>18</sup>։ Սորալուսնից հիվանդացած երեխաներին բուժելիս ձվի դեղնուցը խառնում են հողի հետ և քսում երեխայի գլխին, կապում են և մի քանի ժամից՝ լվանում (հողին՝ հատկապես սրբատեղիների, ևս տարբեր հիվանդություններ բուժելու ունակություն է վերագրվում)<sup>19</sup>։

Ձեռագիր թալիսմաններից հայտնի է, որ հնում տենդը բուժում էին հավկիթով. այն խորովում էին և ուտեցնում ջերմող հիվանդին<sup>20</sup>։

Տարածության վրա հավկիթով հիվանդին բուժելու եղանակները մի քանիսն են՝ կախված նրանից, թե ձուն որ տեղում է դրվում։ Որոշ դեպքերում այն դրվում էր հիվանդի կողքին. օրինակ, Զանգեզուրում հիվանդ ծննդկանի և մանկան մահճակալի մոտ 2—3 հավկիթ էին դնում ջրով լի թասի մեջ կամ հավկիթը կախում էին նրանց մոտ<sup>21</sup>։ Այսպիսով, շար աչքը հիվանդից հեռացնելով, ձուն շեր թողնում, որ աչքը դիպչե հիվանդին։ Ի դեպ, հիվանդության առաջացման պատճառներից մեկն էլ շար աչքի ազդեցությունն էր։

Տարածության վրա բուժելու երկրորդ դեպքում հավկիթը թաղում էին ճանապարհների հատման կետում։ Ի որչալուում գորտնուկը բուժելու համար գրբացը մի ձեռքին աղը բռնած, մյուսով գրում էր կամ աղոթքը շնչում հավկիթի վրա, այնուհետև հավկիթը տանում էին հինգ կամ յոթ ճանապարհների խաչմերուկն ու այնտեղ թաղում<sup>22</sup>։ Ժողովրդական հավատալիքներում աղը ևս զորեղ միջոց էր շար աչքի դեմ. օրինակ, երբ շար աչքով մարդը տնից դուրս է գալիս, ձեռքի ափի մեջ աղ են լցնում և անմիջապես նրա հետևից փչում, համապատասխան աղոթք ասելով։

Երրորդ դեպքում ձուն թաղում էին այն տեղում, որտեղ պետք է բուժվեր հիվանդը։ Վարանդայում հանգուցյալից վախեցած մարդուն տանում էին նրա գերեզմանը, հողը քանդում էին, հավկիթը մեխով ծակում ու թաղում էին այդտեղ։ Հետո իրենց հետ տարած ջրի մի մասը գերեզմանաքարի վրա էին

14 ՊԹԱԲԱ, Ղարաբաղ, էջ 15։

15 Ե. Լալայան. Վարանդա.—Ազգագրական հանդես, Բ, Թիֆլիս, 1897, էջ 240։

16 Երզրի հայոց ազգագրական թանգարանի համար նյութեր հավաքելու.—Ազգագրական հանդես, 16, Թիֆլիս, 1907, էջ 17։

17 ՊԹԱԲԱ, Ղուկասյան, 1980, էջ 8։

18 ՊԹԱԲԱ, Աբալբալաբ, Ախալցխա, էջ 6։

19 ՊԹԱԲԱ, գ. Մաքրավանք, Հրազդանի շրջ., 1981, էջ 15։

20 А. А. О д а б а ш я н. Народные верования армян (по материалам рукописных талисманов XIV—XIX вв.).—Кавказский этнографический сборник, VI, М., 1976, с. 118.

21 Г. Ф. Чурсин. Амулеты и талисманы кавказских народов.—Сборник материалов для описания местностей и племен Кавказа Махач-Кала, 1929, вып. 46, с. 207.

22 Ե. Լալայան. Թորչալուի գավառ.—Ազգագրական հանդես, 10, Թիֆլիս, 1908, էջ 243։

լցնում, մնացածը խմեցնում էին վախեցածին, այնուհետև անսպասելիորեն  
չոտորում էրս ջրը ամանը<sup>23</sup>։

Հրվանդուկյուններ բուժելու նպատակով ձուն տանում էրն նաև քրիստոնեա-  
կան և սալաքրիստոնեական սրբատեղիները, որոնցից շատերը դեռևս շին կոր-  
ցելով բրտսց սշանակությունը։ Այսպես, Կեղարքունիքում մրսչև այժմ էլ  
գորտնուկները ասցկացուցելու համար հաշվում են դրանց քասակը, նույն-  
բովոյ գարու րատրկներ են վերցնում, դրանցից մեկի ծայրը ջարդում և,  
դան գցուս, վերցնուս են մի րազկիթ և գարու հատիկների հետ մեկտեղ լյա-  
զուս ևս որսէ սատուոյ կամ եկեղեցու շմին ու ասում. «Դու ստեղ փար,  
է թող քնդե փճի»<sup>24</sup>։ Կարանդայում եղճատենդը բուժելու համար գնում էյ-  
ւարտար գյուղը նշանավոր Կյունեյ աղբյուրը, գույգ մոմ էին վառում, երկու  
հավկիթ և երկու սեխ թաղում ջրի մոտ, աղոթում էին և այդ ջրով լողանում<sup>25</sup>։  
Ս. Աբեղյանը ևս վկայում է, որ մաշկային հիվանդությունները և տենդը  
բուժելու նպատակով աղբյուրի մեջ հավկիթ էին թաղում և այնտեղ լողա-  
նում<sup>26</sup>։

Ինժման երրորդ եղանակը մարմնին կպցնելով և տարածությունից  
բուժելու միջանկյալ ձևն է, երբ գործողության ժամանակ կա ձվի անմիջա-  
կան մասսակցությունը, բայց այն մարմնին չի կպչում։ Այսպիսի օրինակ է  
երեխային կոխվելուց (շարքերի ազդեցությամբ հիվանդանալ) բուժելը. հավի  
առաջին ձուն դատարկում էին, նրանով 40 անգամ ջուր էին շափում, տա-  
քացնում էին ու լցնում ծննդկանի գլխին<sup>27</sup>։

Հմայական բժշկության մեջ ձուն գործածվում էր նաև հիվանդությունը  
կանխարգելելու նպատակով։ Մեծ Զատիկի ավագ հինգշաբթի օրը ձու էին  
ներկում, որպեսզի կոխնջ (հաստաղիքի հիվանդություն) չունենան<sup>28</sup>։

Ժողովրդական պատկերացումներում հավկիթի բուժող ուժը պայմանա-  
վորված է նրա երկու հիմնական հատկություններով՝ շար աչքի և շար ոգի-  
ների ազդեցությունը կլանելու գործողությամբ և իր մաքրագործող ունակու-  
թյամբ։ Այս երկու հատկությունները վառ արտահայտված են բուրդակների  
(XVIII դարում Բելոռուսիայից Ուկրաինայում վերաբնակված գյուղացի-  
ներ) հավատալիքներում՝ հիվանդության պատճառը կախարդանքով գուշա-  
կելով այն բուժելու ժամանակ։ Կախարդուհին աչից ձախ երեք անգամ ձուն  
պտտում էր հիվանդի գլխի, դեմքի, ձեռքերի, այնուհետև ողջ մարմնի  
շուրջը և աղոթում։ Աղոթքում ասվում էր, որ հիվանդությունը հանվում է  
ձեռքերից, ոտքերից, գլխից, ուղեղից, հոնքերից, աչքերից, երակներից ու  
հոդերից։ Կախարդուհին օգնության էր կանչում Սուրբ Աստվածամորը և բոլոր  
սրբերին։ Այնուհետև հիվանդությունը, անկախ նրանից, թե երբ էր հայտնվել,  
ուղարկում էր այնտեղ, «որտեղ ջուրը պտտվում է, մարդիկ շեն քայլում,  
թռչուններ շեն թռչում և կենդանիներ շեն վազվզում»։ Աղոթքի վերջում մաք-  
րագործելու համար օգնության էր կանչում Տեր Աստծուն, Աստվածամորը, մայր  
հողին և բոլոր սրբերին։ Հետո վերցնում էր բաժակը, կեսը լցնում էր ջրով,  
մեջն էր դատարկում ձվի պարունակությունը և գուշակության միջոցով պար-  
զում հիվանդության պատճառը։ Առանց հայացքը բաժակից կտրելու, խոսքն  
ուղղում էր հիվանդին և ասում. «Դու այստեղ պղպղակներ ևս տեսնում,  
իսկ ևս տեսնում եմ, թե ինչպես էիր դու երեկոյան անցնում մարդկանց մի-  
ջով. քամի սկսվեց և նրա միջոցով մեջդ մտավ այս հիվանդությունը։ Լավ

23 Ե. Լալայան. Վարանդա, էջ 244։

24 ՊԹԱՐԱ, Կամո, Մարտունի, էջ 27։

25 Ե. Լալայան. Վարանդա, էջ 196—197։

26 Մ. Արեղյան. Երկեր. է. Երևան, 1975, էջ 52։

27 Ե. Լալայան. Սիսիան.—Ուզգագրական հանդես», Գ, Թիֆլիս, 1898, էջ 231։

28 ՊԹԱՐԱ, Կամո, Մարտունի, էջ 28։

է, որ ինձ մոտ ես եկել, այլապես քեզ այն աշխարհը կտաներ: Ահա թե նա հիմա որտեղ է՝ մատնացուցց անելով ձվով բաժակը<sup>29</sup>:

Հին Հունաստանում ևս ձուն մաքրագործող նշանակություն ուներ և որպես սրբագործող զոհաբերություն դրվում էր տների առաջ<sup>30</sup>:

Հավկիթը կրում է նաև երկարակեցության գաղափարը: Փոքրիկ տղաներին առաջին անգամ տնից դուրս բերելիս նրանց ձեռքը հավկիթ էր սալիս, որպեսզի նրանք ապրեին մինչև սպիտակամորուս ծերունիներ գառնալը<sup>31</sup>:

Կնուների, նշանդրների, հարսանիքի, անձրև բերելու և այլ ծիսակատարությունների անհրաժեշտ պարագաներից էր հավկիթը և անկախ օգտագործածակից, այն խորհրդանշում էր պտղաբերություն, կյանքի շարունակություն բազմացում, հարստացում...: Ծ. Նահազիզը կնուների վերաբերյալ գրում է, ինչ մկրտության խնջույքի սեղանի վրա անպատճառ դրվում է ավանդական ձվածեղը, որն ուտելուց հետո հրավիրյալներից յուրաքանչյուրը իր պարտքն էր հասարակ մոլ ձգել ձվածեղի սկուտեղի մոտ հատկապես այդ նպատակով դրված պանակի մեջ, որով հնում հատուցվել է դայակի կամ մանկաբարձի վարձը<sup>32</sup>: Իսկ հրավիրված կանայք իրենց հետ բերում էին ձու, թխվածք և այլն:

Նշանդրների և հարսանիքի զանազան փուլերում էր հանդես գալիս հավկիթը: Նույնիսկ նախքան խնամախոսությունը, ապագա հարսնացուի բախտն էին գուշակում հավկիթով. տղայի հարագատները գոմում մի հավի ձու էին դնում և եթե ոչխարներն այն տրորում էին, նշանակում էր, որ հարսնացուն անբախտ է և գերադասում էին խուսափել հարսնախոսությունից<sup>33</sup>: Եթե նշան օրհներբը կայանում էր, հենց նույն օրը տղայի ծնողներն աղջկա տուն էին ուղարկում խմիչք, ուտելիքներ և կարմիր գուլյնի ներկած ձվեր<sup>34</sup>: Հարսանիքի նախօրեին հարսնացուի տնից փեսացուի տուն էին ուղարկում գունավոր թելերով կամ մանր ուլունքներով նախշած հավկիթ, որը հարսանիքի օրը կատարում էին ամենաաչքի ընկնող տեղում<sup>35</sup>:

Նախիջևանում և Ջուղայում փեսացուն, քավորը, խաչեղբայրը և զգալաշին վառած մոմերը ձեռքներին, հարսնացուի նոր հանդերձը տանում էին փեսայի տուն. այդ ժամանակ զոքանչը նոր մոմեր էր դնում եկողների ձեռքը, նվերներ էր տալիս, նրանց կերակուրներով սկուտեղ էր մատուցում, որտեղ անպայման կարմիր ներկված ձվեր էին լինում<sup>36</sup>: Կարմիր ներկած ձվերը նաև փեսացուի «ծառի» անհրաժեշտ մասն էին կազմում<sup>37</sup>:

Եկեղեցի գնալիս ու վերադառնալիս հարսանյաց երթի ժամանակ փեսացուի ազգականները կերակուրներով սկուտեղներ էին հրամցնում մասնակիցներին և մակարները փեսացուին ձվածեղ էին ուտեցնում (քանի որ այդ ժամանակ նա իրավունք չունեի փնջը կպչելու ուտելիքին, իսկ եթե հարսնացուի ետևից փչացած ձու նետեին, նա երեսա չէր ունենա և եթե աղջկա ետև

<sup>29</sup> Н. А. Никитина. К вопросу о русских колдунах.—Сборник музея антропологии и этнографии, т. VII, Л., 1928, с. 302.

<sup>30</sup> Избранные сочинения Лукиана. В переводе с греческого с примечаниями А. И. Манна. С.-Петербург, 1906, с. 64.

<sup>31</sup> Ե. Լալայան. Բորչալուի գավառ.—«Ազգագրական հանդես», 9, Թիֆլիս, 1902, էջ 262:

<sup>32</sup> Ե. Նահազիզ. Նոր նախիջևանը և նորնախիջևանցիք.—«Ազգագրական հանդես», 7 և 8, Թիֆլիս, 1901, էջ 99:

<sup>33</sup> Н. А. Орбелн. Топографический и этнографический очерк Мюкса.—«Պատմա-բանասիրական հանդես», 1977, № 2 էջ 270:

<sup>34</sup> Ե. Լալայան. Բորչալուի գավառ, էջ 217:

<sup>35</sup> ՊԲԱՅԱ, Հոկտեմբերյան. էջմիածին, Աշտարակ, էջ 13—14:

<sup>36</sup> Քաչերբուսի. Հայկական սովորություններ.—«Ազգագրական հանդես», 7—8, էջ 177:

<sup>37</sup> Ա. Շ. Սնացակոնյան. Հայկական զարդարվեստ. Երևան, 1955, էջ 100:

շարտերին, նա շէր ամուսնանա<sup>38</sup>: Առհասարակ, շար կախարդանքի համա-  
օգտագործում էին փշացած ձվերը. օրինակ, որևէ մեկին շարիք պատճառե-  
լու նպատակով թխսկանի տակից հանած փշացած ձուն թաղում էին նրա  
տան շեմքում<sup>39</sup>:

Անձրև բերելու ծեսի ժամանակ մինչև հիմա էլ գյուղերում, ելք երաշտ  
է լինում, երեխաները «նուրին» տիկնիկը ձեռքներին տնետուն են գնում և  
երգում: Տան տերերը նրանց տալիս են ձու, յուղ, ալյուր և տիկնիկի վրա  
ջուր են լցնում:

Հացահատիկի բերքատուլթյունն ապահովելու ծեսում սերմերի մի մասը  
ձվի հետ փախաթում էին մի թաշկինակի մեջ, տանում էին եկեղեցի, օր-  
նել տալիս, ձուն նվիրաբերում էին եկեղեցուն, որից հետո միայն ցանում  
էին սերմերը<sup>40</sup>:

Տոնակատարություններից ձուն առկա է Համբարձման, Վարդավառի,  
Ս. Մննդյան և Զատիկի ժամանակ: Համբարձման տոնին, երբ տարվա մեջ  
ամենաբազմազան գուշակություններն ու կախարդություններն էին կատար-  
վում, ձուն կիրառվում էր հմայության նպատակով. գլշերը տանտիկնիկները  
երկու եփած ձվի միջից մի կապույտ թել էին անցկացնում և թաղում էին  
հարևանի բակում, որպեսզի հարևանի յուղն իրենց գարու Սրբ կախարդանքն  
ազդում էր և հարևանի յուղը պակասում էր (լավ շէր հարվում), մի ձու էին  
տալիս շար աչքի դեմ աղոթելու և պահում էին առաստաղի գերանի տակ<sup>41</sup>:

Վարդավառին աղջիկները տնետուն էին գնում և ծաղկեփնջեր բաժա-  
նում, փոխարենը ստանալով ձու, յուղ, բրինձ և այլն<sup>42</sup>:

Ձուն նման ձևով էր հանդես գալիս և Ս. Մննդյան տոնի ժամանակ. այդ  
օրը քահանաները ժողովրդին նշխարք էին ուղարկում երիտասարդների ձեռ-  
քով, իսկ ստացողները, ի պատասխան, նրանց երկու ձու և ընկույզ էին  
տալիս: Ձու էին տալիս նաև ավետիս ասող երեխաներին, երբ շրջում էին  
տնետուն<sup>43</sup>:

Ամենակարևոր դերը ձվին հատկացվում էր Զատիկի տոնին, երբ առա-  
ջին հերթին այն օգտագործվում էր որպես նվիրաբերություն և ընծա: Այդ  
օրը Հայաստանի տարբեր շրջաններում նշանված երիտասարդների տնից  
աղջկա տուն նվեր էին տանում ներկած ձվեր, գառ, մրգեր և խմիչք<sup>44</sup>: Այսպի-  
սբալաքում նշանված աղջիկներին եկեղեցում մոմերով զարդարված ձու էին  
նվիրում<sup>45</sup>:

Չուղայում, Զատիկի առավոտը եկեղեցում, երբ սկսում էին «Փառք ի  
Իարծունս», յուրաքանչյուր սանահայր իր կնքավորին մատուցում էր 20—30  
կարմիր ձու և թևերը վառվող խաչաձև մոմ՝ ամբացված մի ձվի վրա<sup>46</sup>: Սվ  
դոկիայում Զատիկի տոնը շնորհավորելու եկած հյուրերի երեխաներին ան-  
պայման կարմիր հավկիթ էին նվիրում<sup>47</sup>:

Զատիկին ձու էին նվիրում ոչ միայն ազգակցական կամ այլ կապերի  
մեջ գտնվող մարդկանց, այլև այս աշխարհից հեռացած մարդկանց հոգինե-  
րին: Այսպես, Չարշարանաց ուրբաթ կամ Զատիկին հաջորդող երկուշաբթի  
օրը ներկած ձու են տանում գերեզմանոցները:

38 ՊԹԱԲԱ, Ղափան, էջ 39—40:  
39 ՊԹԱԲԱ, Կամո, Մարտունի, էջ 4:  
40 Ա. Պ ե տ ր ո ս յ ա ն. Շիրամապահությունը Հայաստանում, էջ 4:  
41 Ե. Լ ա լ ա յ ա ն. Նոր-Բայազետի գավառ.—«Ազգագրական հանդես», 17, Թիֆլիս,  
1908, էջ 111:  
42 Ք ա շ բ ր ու ն ի. նշվ. աշխ., էջ 146:  
43 Ե. Լ ա լ ա յ ա ն. Բորչալուի գավառ.—«Ազգագրական հանդես», 10, էջ 252, 255:  
44 Ե. Լ ա լ ա յ ա ն. Սիսիան, էջ 257: ՊԹԱԲԱ, Կամո, Մարտունի, էջ 28:  
45 Վ. Հ. Բ դ ո յ ա ն. Երկրագործական մշակույթը Հայաստանում. Երևան, 1972, էջ 454:  
46 Ք ա շ բ ր ու ն ի. նշվ. աշխ., էջ 120:  
47 Ա Ր Ղ ա կ Ա լ յ օ յ ա ճ յ ա ն. Պատմություն նվերիկի հայոց. Կահիրե, 1952, էջ 1527:

Ձու նվիրելու սովորույթը հայոց մեջ ընդունված է եղել նաև նախքան քրիստոնեությունը, այն տարբերությամբ, որ դա կատարվում էր Նոր տարուն<sup>48</sup>, ինչպես հնում, այնպես էլ մեր օրերում, Զատիկին տարածված է ներկած հավկիթ ջարդելու ծիսական խաղը, որտեղ բոլորից շատ քանակությամբ հավկիթ ջարդողն է հաղթում և վերցնում ջարդած հավկիթները:

Զատիկի ձվերը ներկում էին տոնին նախորդող տարբեր օրերին, որոնցից և կախված էր նրանց մոգական նշանակությունը: Ինչպես վերը նշվեց. Գեղարքունիքում ձվերը հինգշաբթի օրն էին ներկում հիվանդության կանխարգելման նպատակով, իսկ Բորչալուում՝ ուրբաթ օրը, որպեսզի «Հուգայի աչքը պայթի»<sup>49</sup>: Այժմ Զատիկի ձվերը գույնզգույն են ներկում, իսկ հնում՝ միայն կարմիր գույնի և ներկում էին շաբաթ օրը, ինչպես նշում է Գրիգոր Տաթևացին.

«Եւ ներկն նշանակէ թէ՛ բոլոր աշխարհս քսի արեամբ գնեցաւ. զոր մեք ի ձեռն առեալ յայտնապէս զփրկելի մեր քարոզեմք: Վս աչտորիկ փրկուեն մերոյ է հաղորդելի նախկին. և ապա յայլ կեդակուրս»<sup>50</sup>: Ի՞ դեպ, այժմ էլ ընդունված է Սեծ Պահլեից հետո նախ օրհնված ձուն ուտել, ապա այլ կերակուրներ: Հավկիթի գույնի մասին ավանդություններից մեկում ասվում է «...Քրիստոսի շարշարանքի ժամանակ մանրավաճառները փշացած ձվեր էրս տալիս երեխաների ձեռքները, որ խփեն Քրիստոսին, սակայն ձվերը առանց Քրիստոսին դիպչելու ետ էին դառնում թարմացած և կարմիր գույն ստացած: Ի հիշատակ այս անցքի, ասում են, տնօրինել են Զատիկին ձվեր ներկել»<sup>51</sup>:

Հայ քրիստոնեական եկեղեցու հետ կապված, ձուն հետևյալ կիրառություններն ուներ՝ այն եկեղեցի էին բերում օրհնելու նպատակով, որպես հաղորդություն և որպես նվիրատվություն: Առաջին երկու գործողությունները կատարվում էին Զատիկին և բացառապես հավկիթով, իսկ նվիրաբերությունը կատարվում էր տարբեր ժամանակներում և բացի հավկիթից օգտագործվում էին բնական ու արհեստական տարբեր ձվեր:

Սիջնադարից զբաղվող տեղեկություններ են պահպանվել, որ հայկական վանքերում որպես թանկագին և հազվագյուտ զարդեր են օգտագործվել ջալլամի ձվերը: Սրանք ամրացվում էին կանթեղների շուրջը կամ կախվում դրանց կենտրոնից<sup>52</sup>: Մինչև այժմ Երուսաղեմի Ս. Հակոբյանց տաճարում պահպանվել են ջալլամի ձվեր: Այստեղ կան նաև բազմաթիվ հախճապակե նախշազարդ ձվեր, որոնք ուխտավորները որպես նվիրաբերություն են տարել վանք, ի հիշատակ որևէ անձի: Սրանք պատրաստվել են հայկական հախճապակեգործության հայտնի կենտրոն Կուտինայում, հիմնականում XV—XIX դդ.: Հախճապակե գնդերը ևս կանթեղներին էին ամրացվում կամ ուղղակի կախվում էին տաճարի ներսում: Նրանց մասին մանրամասն տեղեկություններ են հաղորդում իրենց իսկ արձանագրությունները: Օրինակ՝ «յաս իշա[տա]լ է Քոթհահեթի մահտեթի նորատու[ն]քի որթի ածատուր. եխ. Պրնգջի քոթս» կամ՝ «Այս թոպս մղտեսի ըստեբանին հրեշտակա-

48 Զատիկական հավկիթը.—«Սիոն», Երուսաղեմ, 1927, 4, էջ 105:

49 Ե. Լալայան, Բորչալուի գավառ, էջ 262:

50 Գրիգոր Տաթևացի. Գիրք քարոզութեան. Որ կոչի ձմեռան հատոր, 4. Պոլիս, 1740, էջ 606:

51 Ե. Լալայան. Սիսիան, էջ 257:

52 Զատիկական հավկիթը, էջ 105—106: Փորագրազարդ, գունավոր և առանց նախշերի ջալլամի ձվերը տարածված էին հին աշխարհում: Պեղումների ժամանակ միջին և ուշ բրոնզի դարի սկզբի ձվեր են հայտնաբերվել Սգրիպոսում, Շումերում, Պաղեստինում, Հունաստանում, Իտալիայում, Իսպանիայում և այլուր: Հնում Մերձավոր Արևելքում ջալլամներ են պահել, սակայն հետագայում դրանք ոչնչացել են: Տե՛ս John Carswell. Kutahya Tiles and Pottery from Armenian Cathedral of St. James. Jerusalem, Vol. II, Oxford University Press, 1972, p. 63—67.

պետ եկեղեցին իշատաքըն է. ...թիվըն ՈՃԶԹ» (1739), ներքևի մասում՝ «այս բովանդակն յուճախ շրսէձավ»<sup>54</sup>, Քյոթիահրայում այ վարպետների կողմից պատրաստված այսպիսի գնդերն օգտագործվում էին նաև հունական եկեղեցիներում և մահմեդական մզկիթներում<sup>55</sup>:

Արծաթե ձվը հազվագյուտ օրինակ է պահվում Հայաստանի պատմության պետական թանգարանի ազդագրության պահոցում»: Սա մասնատուփ է, բաղկացած էրեք մասից՝ օսթկված սևադե ու փորագիր բուսական և ևրկրաչափական նախշերով: Ուշագրավ է, որ ներքևի մասի բուսանախշերն ունեն կրկնվող թռչնազուլիս նախշեր: Կենտրոնում շորս տողանի ընծայագիր ունի՝

«1865 ԱՄԻ Մյի  
ԸՆԿՅ ԱյՍ ՄՍՍՏ Պնի  
յՇՏԿ ՄՀՏՍԻ ԳՈՂԻ ՄԼԻՔ ՎՐԳՆՎՆ  
ՔՀՆյ ԿՐՊՏ Տէր ԱՂՔՍՆԴՐԵՆԻՆ»<sup>56</sup>:

Ձվին վերագրվող գերբնական հատկությունները գալիս են հնագույն այն պատկերացումից, որ ձուն կյանքի սաղմն է: Այն ուղղակիորեն կապվում է աշխարհի ստեղծման գաղափարի հետ, ինչպես վկայում են տարբեր ժողովուրդների տիեզերածնական առասպելները: Այսպես, Գրիգոր Տաթևացին գրում է. «...ձուն՝ օրինակ է բոլոր աշխարհի. ոպ ասեն իմաստունք թէ, վերին կեղևն ղերկնիցն բերէ ղնմանուփ. իսկ մզղնաձևն՝ օդոյս. և սպիտակուցն ջրոյ. և ղեղինն երկրիս որ է մէջն»<sup>56</sup>:

Առասպելի տարրերը պահպանվել են նաև հայկական հեքիաթներում: Այսպես՝ «Օձ-Մայիլում» հերոսը ծնվում է սագի ձվից, որը գտնվում գետնի անցքում (կապը հանդերձյալ աշխարհի հետ): Ուշագրավ է, որ հիսեգիպտական ու հնդկական առասպելներում ևս կարևոր տեղ է հատկացվում սագի ձվին. առաջին դեպքում սագի ձվից արևն է դուրս գալիս<sup>57</sup>, երկրորդ դեպքում (հնդկական բազմաթիվ տարբերակներից մեկում)՝ արու սագն է ձու ածում: Սագի անունն է համաա. համ-ը հնչում է շնչելիս, սա-ն՝ արտաշնչելիս: Երբ սագն անընդհատ շնչում է, լսվում է սա-համ: Սա նշանակում է «այս» և «համ»-ես: Քանի որ արու սագը Բրահմայի կենդանակերպն է, իր անունն արտաբերելով ստացվում է, որ Բրահմայի աշխարհը լցվում է «Սա ես եմ» ճիշով: Եվ այդ «ես»-ը դուրս է գալիս ձվից մեծաքանակ արարածների տեսքով, որոնցից յուրաքանչյուրը իր հերթին ասում է «ես»: Երանյ բոլորը տարբերվում են միմյանցից և նրանց «ես»-ի հռչակումը դառնում է տարբերակիչ ու միաժամանակ հանդիսանում է իմացության թրի խորհրդրդանիշը, որը ոչնչացնում է քառսի վիշապին<sup>58</sup>:

Ձվի և վիշապի մոտիվը պահպանվել է նաև հայկական գորգերի դարդանախշերում. Կապադոկիայում գործված մի գորգի վրա պատկերված են իրար դիմաց կանգնած վիշապներ, որոնց միջև ոճավորված հավկիթ կա<sup>59</sup>:

<sup>58</sup> John Carswell and C. J. F. Dowsett. Kutahya Tiles and Pottery from Armenian Cathedral of St. James, Jerusalem. Vol. I, pp. 95, 85—86.

<sup>54</sup> An Exhibition from the Collections of Tina and Haroutune Hazarian. Dr. Paul Bedoukian, Armenian Ceramic Art. New York, 1982.

<sup>55</sup> «1865 ամի, 1 մ(ա)յի(սի): Ը(ն)ծ(ա)յ(եա)ց այս մ(ա)սն(ա)տ(ու)պն յ(ի)շ(ա)տ(ա)կ մ(ա)հտ(ե)սի Գոհ(ա)ր Մ(է)լիք Վ(ա)րդ(ա)ն(ո)վն ք(ա)հ(ա)ն(ա)յ Կ(ա)ր(ա)պ(ե)տ Տէր Աղ(ե)քս(ա)նդրե(ա)նին»: (Ե վ գ ի ն ե Մ ու շ ե ղ յ ա ն. Հատկանշական ցուցակ թանգարանային ժողովածուների. պրակ 1, Երևան, 1964, էջ 82):

<sup>56</sup> Գրիգոր Տաթևացի. Նվճ. աշխ., էջ 606:

<sup>57</sup> M. Э. М а т ъ е. Древнеегипетские мифы. М.—Л., 1956, с. 18.

<sup>58</sup> Francis Huxley. The Way of the Sacred. London, 1980, p. 86.

<sup>59</sup> Հ. Գ ա յ ա յ ա ն. Խաչի զարդամոտիվները կապադոկահայ գորգարվեստում (XIII—XV դդ.).—«Էջմիածին», 1977, Բ, էջ 60:



Հայկական հեքիաթներում առկա է առասպելական օձի և ձվի կապը: Կրկին «Օձ-Մայիլում» հերոսը օձի կերպարանքով ծնվում է ձվից և հիվանդությունների, բուժելու, մեռյալին հարուստուն տալու գաղափարները՝ կապված ձվի հետ, օձն իրականացնում է սահագած մարդուն կենդանացնելով: Բացի այդ, նա տուն է սարքում, որտեղ մի աղյուսը ոսկուց է, մյուսը՝ արծաթից: Այս շինարարությունը առնչվում է Ուպանիշազաների այն դրվագի հետ, երբ անգույնից ծնվում է գոյը և զարգանում ձվի կերպարանքով, որը մի տարր մնալուց հետո կիսվում է և կեղևի մի մասն արծաթից է, մյուսը՝ ոսկուց: Արծաթե կեղևից գետինն է առաջանում, ոսկուց՝ երկինքը<sup>60</sup>, Ոսկին, իր հերթին, համապատասխանում է արևին և երկնային արքայությունը, արծալունին և ստորերկրյա թագավորությանը<sup>61</sup>:

Ձվի և հարստության առասպելական կապը «Օձ-Մայիլում» հանդես է գալիս հեքիաթի այն հատվածում, երբ ձվից ծնված հերոսը թագավորին նվիրում է յոթ ուղտաբեռ ալմաստ, ադամանդ, զմրուխտ, սուտակ, հակինթ: Սի այլ հեքիաթում, երկու եղբայր ծառի գլխին հավքի ներկված ձվեր են գտնում ու կուլ տալիս և դրա շնորհիվ նրանք ամեն առավոտ իրենց բարձր տակ դրաս են գտնում, քանի դեռ ձուն իրենց փորի մեջ է<sup>62</sup>: Ինչպես այս, այնպես էլ բազմաթիվ այլ հեքիաթներում, հանդիպում է ձվի ու ծառի կապը: Կստ որում, ձուն ինչպես ծառի վրա, այնպես էլ ծառի տակ է լինու: Սրինակ, «Սնգիշարու հեքիաթում» ծառի տակ գտնվող բնի միջի ձվից մի աննսան աղջիկ է դուրս գալիս: Թագավորի որդին նրանտուն բերելիս ճանապարհին նստեցնում է շինարի ծառի վրա: Հետագայում նա դառնում է ռեհան, ձիու քուռակ, շինարի հսկա ծառ և այլն<sup>63</sup>:

Ձվի և կենաց ծառի կապը պահպանվել է նաև հարսանյաց ծիսակատարությունում. ինչպես արդեն նշվել է, փեսայի «ծառին» հավկիթ էին կախում: Նառի ու ձվի իմաստային կապն իր բառային արտահայտությունն ունի՝ ձվի սուր ծայրը՝ գագաթը կոչվում է «ծառ»<sup>64</sup>:

Հեքիաթներում պահպանվել է նաև ձվի առասպելական կապը երկնային լուսատուների, երկվորյակների ծննդյան, ժամանակի հաջորդականության, տարածության հետ: «Գյուլշանի հեքիաթում» լույսն ու մութը բաժանողները ծերունուն մի հավկիթ են տալիս, որը գիշերը լույս է արձակում և որից ծերուկի կինը երկվորյակ է ծնում՝ մեկն Արևելքի թագավորն է դառնում, մյուսը՝ Արևմուտքի<sup>65</sup>:

Անդրադառնանք առասպելի և ծեսի փոխադարձ կապի վերաբերյալ Մ. էլիազեի այն գաղափարին, որ ցանկացած ծես ունի իր սկզբնական մոդելը, սկզբնօրինակը, մարդը միայն կրկնում է արարման գործողությունը: Երկրնական օրացույցն ընդգրկում է տարվա ընթացքում նշվող տիեզերածնական բոլոր փուլերը՝ սկսած հիմնադրումից: Իրոք, սրբազան տարին անվերջ կրկնում է արարումը, մարդը դառնում է տիեզերածնության և մարդածնության ժամանակակիցը, քանի որ ծեսը նրան տեղափոխում է նախասկզբի:

60 Ф. Б. Я. Кё и пер. Труды по ведийской мифологии. М., 1986, с. 119.

61 В. Н. Топоров. К реконструкции о мировом яйце (на материале русских сказок).—Ученые записки Тартуского университета. Труды по знаковым системам: Тарту, 1967, с. 93—96.

62 Հավվաճի գլուզել.—Հայ ժողովրդական հեքիաթներ, հ. 4, Երևան, 1968, էջ 360:

63 Սնգիշարու հեքիաթը.—Հայ ժողովրդական հեքիաթներ, հ. 3, Երևան, 1962, էջ 310, 314:

64 Ստ. Մ ա լ ի ա ս ե ա ն ց. Հայերէն բացատրական բառարան, հ. 2, Երևան, 1944, էջ 330: Հմմտ. «Исходное значение слова рай как «мировое дерево» подтверждается и более непосредственно, ср. рай-дерево «сирень», раина «пирамидальный тополь»: райник «большой лес» и т. п., или укр. райце, яйце-райце «сказочное яйцо, заключающее в себе богатство в виде скота...» (В. В. Иванов, В. Н. Топоров. Исследования в области славянских древностей. М. 1974, с. 248):

65 Գյուլշանի հեքիաթը.—Հայ ժողովրդական հեքիաթներ, հ. 1, Երևան, 1959, էջ 423:

կան առասպելական ժամանակաշրջանը: Ամենուրեք գոյություն ունի որոշակի ժամանակահատվածի վերջի և սկզբի հասկացությունը՝ հիմնված բիոկոսմիկ ուղիների դիտարկումների վրա, որոնք մտնում են ավելի չափն ապրելակալան մաքրագործման և կյանքի պարբերական վերածննդի համակարգը. ժամանակի պարբերական վերածնունդը ենթադրում է նոր Արարում, այլ կերպ ասած՝ տիեզերածնական ակտի կրկնություն, հատկապես պատմական քաղաքակրթություններում<sup>86</sup>: Տորա-բատականների նշված ծեսը (կատարվում է այժմ ևս), որտեղ անբակտերիոն միահյուսված են ծեսը, առասպելը և համայնությունը, կատարվում է այն ժամանակ, երբ Պանն Նա Բոլոն՝ աստվածըն ավարտում է իր բոլորածիր ուղին և պետք է սկսվի նոր տարին: Կրոնահամայնական այս ներկայացումը պատկերում է տիեզերքի համապարփակ նորոգումը և նրա ավերումը, քանի որ այս երկու երևույթները միմյանցից չեն տարանջատվում: Տարեվերջը տիեզերական միաժամանակյա ավերման և վերականգնման պահն է: Կենսաց ծառը մահանում է և նրա բնից զարգանում է նորը, որը դուրս է գալիս հին ծառից ընկած պտուղից, իսկ այդ պտուղը ձու է, հետևաբար այն դառնում է տիեզերական կյանքի խորհրդանշանը: Միսակատարության ժամանակ ձուն դրվում է տիեզերքը խորհրդանշող պատկերի ճիշտ կենտրոնում և քուրմը «կենսաց ծառով» (փայտե ձողով) coitus նշանակող շարժումներ է անում և ծեսի բարձրակետում ծակում է ձուն: Այսպիսով տեղի է ունենում տիեզերքի վերականգնումը նոր բեղմնավորման միջոցով՝ որպես նոր աշխարհի և նոր կյանքի առաջին փուլ<sup>87</sup>: Ահա այստեղից էլ պարզ է դառնում Զատիկի և նախքան քրիստոնեությունը նոր տարուն հավկիթներ ջարդելու, սրբատեղիներում հավկիթը մեխով ծակելու կամ խաշած և մումը (կենսաց ծառը) ձվին սմբացնելու իմաստը: Ինչ վերաբերում է հավկիթ-պահպանակներին, ձվի հետ կապված ամենատանձնահատուկ և ամենաուղազարավ երևույթն այն է, որ առօրյայում, անկախ տղանից ու ծեսից, ուղղակի որպես պահպանակ, նա տառաջիտրեն կրկնում է տիեզերածնական առասպելի այն փուլը, երբ հավկիթը դեռևս ջրի մեջ է և հանդիսանում է պահպանակների ուսումնասիրման մեջ ևզակի մի երևույթ:

## ЯЙЦА-ОБЕРЕГИ В АРМЯНСКИХ НАРОДНЫХ ВЕРОВАНИЯХ

### АСТХИК ИСРАЕЛЯН

#### Резюме

С древнейших времен до начала XX в. в качестве естественных амулетов в Армении употреблялись яйца кур, перепелок, ласточек и страусов. В настоящее же время в сельских местностях, реже в городах, используются лишь куриные яйца и скорлупа. Яйца оберегают от сглаза и злых духов людей (жениха, роженицу, детей), жилище, растения (урожай), животных (в том числе птиц и шелковичных червей), неодушевленные предметы (в частности, кустарные изделия и предметы, представляющие особую ценность), продукты питания. В лечебных и профилактических целях яйца непосредственно прикладывали к телу—так лечили опухший глаз, нарывы, лихорадку, а также особое заболевание, которое поражало детей во время новолуния. Яйца воздействовали также на расстройство парши, средство при лечении бородавок, их приносили в жертву с целью лечения парши, детей, поздно начавших ходить, а также для предотвращения болезней. Проме-

<sup>86</sup> М. Э л и а д е. Космос и история. М., 1987, с. 45, 47, 66.

<sup>87</sup> Ф. Б. Я. К ё й п е р. Указ. соч. с. 132—134.

жучочной формой этих двух способов было лечение водой, которую предварительно наливали в яичную скорлупу. Яйца использовали в гаданиях и колдовстве, как в белой (здоровый приплод, обилие, снятие последствий вредоносной магии), так и черной (с протухшими яйцами) магии. В христианской обрядности яйца в основном употребляли во время празднеств Нового года, Рождества, Пасхи и Вознесения. Их освящали и приносили в дар церкви, той же цели служили и орнаментированные фаянсовые яйца, посвящаемые памяти усопших. Символическая связь яиц, являющихся полифункциональными оберегами с идеями плодородия, воскресения, новой жизни и т. п. восходит, по-видимому, к космогоническому мифу. В армянских народных представлениях сохранился образ яйца, появляющегося в первородных водах или в первоначальном хаосе, идея возникновения мира (или его отдельных частей) из яйца, соотнесение яйца с мировым деревом, связь яйца со светом—тьмой, золотом—серебром, драгоценными камнями, змеей, чудесными исцелениями, способностью оживлять мертвых, появлением на свет близнецов и т. п. Показательно, что миф о мировом яйце не только периодически разыгрывается в ритуале в символическом виде (например, при разбивании пасхальных яиц), но и как бы вечно присутствует в обыденной жизни в виде яйца-оберега, погруженного в миску с водой.